

Hawa

(ni Danilo C. Diaz)

Saan tayo pupunta  
Kapag ang bawat-isa  
Ay hindi na makita  
Kung ano ang pag-asa

Paano maglalakbay  
Kung ang patutunguhan  
Ay doon sa kawalan  
Kapag wala nang daan

Sino ang makakasama  
Kapag kamay at paa  
Maging puso at mata'y  
Hindi't walang madama

Bakit tayo sisigaw  
Kung hindi na daratal  
Sa manhid nang isipan  
Ang sana ay iwasan

Kailan ang pagkilos  
Kapag dulot ng salot  
Ay higit pa ang takot  
May bisa man ang gamot.

Ano pa'ng ating saysay  
Kung ang mga may buhay  
At maging ang pumanaw  
Ay magkakahawahan.

Kapag hindi na talos  
Kung lahat ma'y kaloob  
Nang dahil sa paglimot  
At pagtawag Sa Diyos?

#

dcd/dodie

24Mar2020

